

Ethica Amoris, Sive Theologia Sanctorum, Magni Præsertim Augustini, Et Thomæ Aquinatis

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

Henricus, de Sancto Ignatio

Leodii, 1709

Caput VIII. Ratione liberiùs utuntur, qui amnia sivi proposita, quālibet
incerta & ambigua, de suo, velut ex tripode definiunt, præsertim in
moralibus.

[urn:nbn:de:hbz:466:1-73187](https://nbn-resolving.de/urn:nbn:de:hbz:466:1-73187)

quomodo David gladium Goliath eripuit, ipsumque proprio deinde gladio jugulavit.

C A P U T V I I .

Ratione liberius utuntur Philosophi, qui ita sibi in antecessum præfigunt philosophicas suas opiniones, ut deinde Spiritum Sanctum, ubi repugnare videtur, seu sacra documenta in balbutiem suam trahant.

65 Præsenti assertione grandis eorum abusus redarguitur, qui Philosophiam Theologiam sic præmittunt, ut, inaudita Theologia, jacent philosophica sua principia, & secundum ea deinde glossent, amplient, restringant, inflectant, torqueant principia propria Theologiae, ipsa etiam oracula Scriptura, vel testimonia Ecclesiæ, saltem non expressissima. Quos quidem ratione liberius uti, nec sapientes Theologos, immo nec sapientes quidem Philosophos esse posse,

66 Probatur 1°. quia ratione liberius utuntur, quicunque contra rectum rationis ordinem plus ipsi tribuunt, quam par sit. At hoc ipsi faciunt. Cum enim tot argumentis supra demonstratum sit, tam erraticam esse rationem Philosophiamque purè humanam, ut in præcipitum ducat, nisi magisterio divino, seu doctrinā divinā corrigitur & dirigatur; contra rectum rationis ordinem est, quod corrigat, velutque dirigit eam, à qua corrigi debet & dirigi. At vero corrigit, velutque dirigit doctrinam divinam, à qua corrigi dirigique debet, dum doctrina divina in balbutium ipsius trahitur, sive ad præscriptum ipsius glossatur, ampliatur, restringitur, inflectitur, contorquetur. Tunc enim adversus dominam ancilla, adversus Isaac Ismaël insolevit, ancilleque domina, inverso recte rationis ordine, obsequitur; non dominatur nec prætit, sed subsequitur.

67 2°. Ratione liberius utuntur, qui non secundum regulas verae sapientiae. Hoc autem prædicti faciunt. Cum enim (ex supradictis) principium verae sapientiae sit, parum credere rationi sue, humanæque rationis luxuriem per submissionem ad superiorē minusque fallibilem regulam coercere: Philosophus Christianus, secundum dictamen verae sapientiae, non debet superiorē fitioremque regulam inferiori infirmiorique, nec proinde Spiritum Sanctum (in sacris Litteris, Canonibus & sanctis Patribus loquentem) rationi Philosophiaeque sua: purè humanæ accommodare; sed ante omnia scrutari, quid Spiritus Sanctus dicat in sacris Litteris, &c. deinde se suamque rationem ac Philosophiam ipsi submittere, accommodare, & in obsequium ipsius captivare.

68 3°. Ratione & Philosophia liberius utuntur, qui eam imperare faciunt Theologia, cum Theologia ex dictis Prolegom. I. n. 29. 30. 31. 32. imperare debeat Philosophia. Quisquis vero ad præscriptum Philosophorum principiorum suorum exponit, inflectit, & tor-

quet principia Theologiae (prout antedicti faciunt) rationem & Philosophiam imperare facit Theologia: tunc enim Theologia Philosophiae imperat, cum principia illius inflectuntur & accommodantur ad præscriptum istius.

Ex his constat, eos multo magis arguendos de libertori rationis usu, qui ob humanam rationem, seu Philosophiam, recedunt ab auctoritate Scripturarum, Canonorum, vel sanctorum Patrum.

C A P U T V I I I .

Ratione liberius utuntur, qui omnia sibi proposita, quælibet incerta & ambigua, de suo, velut ex tripode definitum, præferim in moralibus.

Eos impedit assertio, qui de casibus dubiis, 70 à securo aliquo duce nondum definitis, non satis caute sententiam ferunt: quia videlicet rationi sibi occurrenti citè credunt, habentque phantasias vel phantasmata sua pro cognitis. Judicium profectò suspensi, vel suam etiam, de re propofita, ignorantiam humiliiter confessuri, si vel contraria fundamenta, vel alia pensanda ritè pensarent, haberentque animum expurgatum ab omni præjudicio, sicut & ab omni inordinato affectu hominibus placendi, vel gloriam captandi, vel vitandi notam hominis irtestoluti, nec alio tenerentur quam veritas Deique amore. Qui proinde, si errant, vincibiliter errant, siisque error eis imputatur, cuius periculo temerè scè exponunt, dum de malefacta ratione sua nimium præsumentes, nec pensanda ritè pensantes, nec voluntariam erroris causam, dictam utique præsumptionem, vel affectus inordinationem abjicientes, justo Dei iudicio loquuntur falsa.

Et contra eos militat exemplum doctrinaque 71 Sanctorum, qui, licet ad judicandum ipsis magis idonei, sicutem in hoc imitati sunt protoparentes in innocentia statu, quod non tam proximi fuerint ad judicandum de quibuslibet animo oblati, sed de rebus prorsus incertis ambiguis que judicium suspenderint, uti cap. 1. vidimus. Similiter & Sancti fecerunt in casibus ambiguous, præferim ad conscientiam spectantibus, nec ante ipsos decisis, quos de suo decidere non sunt ausi, prout Proleg. I. c. 7. ostendimus. Et hinc de seipo Doctor Doctorum Augustinus ep. 250, dicebat: *In multo pluribus querimus porri quid sentiendum sit, quam definitum aliiquid fixumque tenemus: & ea cautio, cum sollicitudine plena sit, multo melior est, quam temeritas affirmandi.* Et Joannes Sarisberiensis l. 2. Polit. c. 2. *Malo cum Academicis, si tamen alia via non pateat, de singulis dubitare, quam perniciose simulatione scientie, quod ignorant vel absconditum est, temere definire.* Quod de Academicis ideo dicit, quia, ut ait l. 7. cap. I. *Academicci, vitanies precipitum, in eo quidem modestiores sunt (nostris liberioribus Judicibus) quod defectum suum*

De Remediis Ethices laxioris.

41

saum minime diffidentur, & in rerum ignorantia positi, fere de singulis dubitant; quod quidem longè tutius est, quam incerta temerè definire.

⁷² Hanc Academicorum modestiam in casibus novis & ambiguis, imitati sunt Sancti, nec eos decidere sunt ausi, ne ipse quidem Hieronymus, utpote, qui de seipso in epistola ad Paulinum, istud perhibet testimonium: *Nunquam me ipsum magistrum habui.* Et epist. 27. c. 12. profitetur se docuisse, quod didicerat, non à meipso (inquit) id est à præsumptione, pessimō preceptore, sed ab illustribus Ecclesia vi- rū. Et epist. 108. *Fateor me nunquam in divinis voluminibus exponendis, propriis viribus credidisse, nec habuisse opinionem meam, sed ea etiam, de quibus scire me arbitrabar, interrogare me solitus, quanto magis de iis, de quibus anceps eram?*

⁷³ *Enimvero unam ex radicibus tot propositionum ab Ecclesia proscriptarum, torque alia rum quæ leguntur in operibus variorum Ca- suistarum, esse nimiam de mortibus opinandi, de suoque definiendi licentiam, Prolegom. I. cap. 7. per totum demonstravimus. Et ideò alta mente reposita esse debent solemnia hac de re documenta Sanctorum. Imbecillem men- tem (ait Augustinus I. Trin. 2.) observata pie- tatis sanet, ne in opinionem noxia falsitatis teme- ritas inordinata præcipiat. Et I. 8. Gen. ad litt. c. 5. *Melius est dubitare de occultis, quam litigare de incertis.* Nemo (inquit Bernardus ser. 27. de divers.) super his qua certa sunt basi- tet, nemo dubia pro certis admittat, nemo sibi in dubiis iudicium venditet, præcipiter senten- tiā. *Unde enim sunt scandala? unde turba- tio? nisi quod propriam sequamus voluntatem, temere, quod volumus, in corde nostro definien- tes.**

⁷⁴ Dixi præsertim in moralibus: ut enim sapien- ter Contenson Theol. ment. & cord. 10. 3. in præloquio: „ in aliis scientiis, salva fide, unus- quique in suo sensu abundare potest, prompta- taque venia conceditur luxuriantibus Philo- phorum ingenii: quia sive aliquid novi dic- cant, nihil profundit, sive delirant, nihil no- cent. At vero in morali totius vita status disponitur. Unde eo majorem cautelam & prudentiam necesse est adhiberi, quod periculo majori exponimur „ . . . Nullus hic errori lo- cus (inquit Laetantius I. 13. c. 7.) quia si quid fuerit erratum, vita omnis evertitur. Nullus hic temeritati locus (addit. c. 13.) in eternum stultitia pena subeunda est, si aut persona ina- nis, aut opinio falsa decepitur. Tanto proin- de magis hinc vitanda licentia casus ambiguos de suo resolvendi, quanto periculosior & per- niciosior est facilitas temerè definiendi.

⁷⁵ Et propterea Angelicus Doctor quodlib. 9. a. 15. monet pericolosam esse resolutionem al- terutram in partem, ubi de peccato mortali agitur: *omnis quæstio, in qua de peccato mor- tali quartitur, nisi expresse veritas habeatur, periculosè determinatur. Quia error, quo non creditur est peccatum mortale, quod est pecca-*

tum mortale, non excusat à toto, licet forte à tanto. Error verò quo creditur mortale esse, quod non est mortale, ex conscientia ligat ad peccatum mortale. Præcipue autem pericolosum est, ubi veritas ambigua est. Et tunc nihil tan- quam certum afferendum est, neque esse, ne- que non esse mortale, sed res declaranda est ambigua sive incerta. Neque enim quidpiam afferendum est certò esse vel non esse mortale, sine certa autoritate, vel ratione.

Atque hoc sensu intelligendum est quod di- cit Gabriel in 4. dist. 15. q. 13. a. 2. concl. 1.

“ Incautum est & malum affirmare aliquid “ esse peccatum mortale, quando non probatus “ sufficienti autoritate, vel evidenti ratione. “ Quodque Gerson ait, 3. p. l. de vit. spirit. lect. 4. litt. O. “ Doctores Theologi non debent “ esse faciles ad afferendum alias actiones, vel “ omissiones, esse peccata mortalia, præsertim “ sub verbo universali, maximè cum observatio “ communis obnitiuit obviatque, ubi non sunt “ certissimi de re ipsa, nec talia sunt prædicanda “ populo tanquam certa (nota.) “ Nam per hujus- “ modi assertiones publicas, voluntarias, rigidas, “ duras, & nimium strictas, in rebus incertis, “ nequaquam eruuntur homines à luto peccato- “ rum, sed in illud profundiū, quia despera- “ tiū, demerguntur, &c.

Hæc (inquam) vera sunt, sic intellecta, ut ⁷⁷ sicut in re incerta, non est certò (ut habet Gerson) prædicandum mortale, quod certa autoritate vel ratione non convincitur esse mortale. Sic non est certò prædicandum non esse mortale, quod certa autoritate vel ratione non convincitur immune esse à mor- tali. Utrumque enim periculum est, vel ad- dendi vel detrahendi divinæ legi, sive impin- gendi in illud Deuteron. 4. *Nón addeis ad verbum quod vobis loquor, nec auferitis ex eo.* Ostensumque est ex Aquinate, quod omnis quæstio, in qua de peccato mortali agitur, nisi veritas expresse habeatur, periculose, sive unam, sive alteram in partem, determinatur. In eo proinde casu, nihil sive hinc, sive inde, de- terminandum ut certum, sed relinquendum in- certum, vel ad summum determinandum ut probable, vel ut probabilius, pro ratione & pondere fundamenti.

C A P U T I X.

Ratione liberius utuntur, qui plus rationi sue privata, quam communi Majorum traditioni, vel primariorum Ecclesia Doctorum authori- tati, in materia per Ecclesiam non definita, cura apertam necessitatem, deferunt.

⁷⁸ Robatur 1°. quia ratione liberius utuntur, quicumque contra regulas veræ sapientiae c. 14. comprobandas utuntur. At hoc supradicti faciunt: cum una ex regulis illis sit ag- noscere necessitatem divini luminis, magisteriu- que, ad vitandum errorem, sequique ordinem à divina providentia præstitutum ad illu-

F

Tom. I.